



## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 1. Non omne bonum bene appeti.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

## C A P V T III.

*Nonnulla, circa licitum, vel illicitum honoris appetitum, quaesita, quando scilicet in rationi conformis sit? quando honor negligi, vel non negligi possit? & quale in eo sit premium, vel incrementum virtutis?*

## §. I.

*Non omne bonum bene appeti.*

**B**Se quoddam bonum honorem, & quidem inter externa hominis bona maximum, suprà fassim sumus, ecquid ergo illud bonum, nisi ob predictas caussas, appetere non licet? Cur vi. Plutarch: tio vertatur Lysandro Lacedæmonio, quod in Lysan- dro, ductus gloria desiderio, Chœrulum Poëtam secum semper haberet, ut carminibus ea celebaret, quæ ipse armis atque virtute gessisset? Cur Augustus reprehendatur, quod, Dion.Ni- cæus, cum testamentum suum scripsisset, libellos etiam quatuor adiecerit: in quorum secundo res à se gestas ideo annotauit, ut in columnis æneis ad sepulchrum suum insculperentur? Cur M. Tullius Cicero carpitur Fulgos, tamquam ambitiosus, quod longa epistola lib. 8. cap.

40 Cap. III. Quo modo Honor appeti,

à L. Luceio ciue Romano enixè petierit, vt Catalinariæ coniurationis historiam seorsim ab alijs rebus, ad propagandam nominis sui famam, scribere vellet: neque abstinerit, illud quoque depositare, vt in ea etiam aliquid amicitiæ daret, ipsoque viuente, eam ederet, vt viuens gloria sua perfri posset? Si enim gloria quoddam bonum est, cur eam non liceat exambire? Ita quis dubitare posset. Sed profectò non omnis appetitus boni bonus est. Alioquin enim

S. Thom. etiam fur bene appeteret marsupium alienum; & mœchus bonam alterius uxorem:  
2. 2. q. 131. 2. 1. & Lucifer diuinos honores rectè appetiisset. Necesse est igitur, vt appetitus boni regulæ rationis sit conformis; quam regulam si transcendat, sit vitiosus. Regulam autem hanc Ethnici difficilius, facilius intellexerunt Christiani. Quia, cùm honor sit reuerentia alicui in testimonium excellentiæ eius exhibita, duo in illa excellentia reperiuntur. Vnum est, quod illud, quo excellit homo, non habeat à semetipso, sed sit quasi quiddam diuinum in eo. Qua de causa non debetur illi primariò honor, sed 1. Cor. 1. Deo. Vnde, *Qui gloriatur, in Domino glorie-*  
31. S. Anselm. *tur.* Ille, ait S. Anselmus, *in solo Domino*  
*Anselm. ibid.* glo-

gloriatur, qui cognoscit non suum, sed illius esse, non solum ut sit, sed etiam ut non nisi ab illo bene sit sibi, à quo habet ut sit. Alterum est, quod illud, in quo exellit homo, ei à Deo detur, ut per id alijs prospicit, aut etiam sibi ipsi. Quamobrem ut appetitus honoris regulæ rectæ rationis congruat, debet in primis referri in Deum; aut certè eo fine saltem homini debet placere testimonium propriæ excellentiæ, quod ei ab alijs exhibetur, ut ex eo via illi paretur ad suam, vel aliorum spiritualem utilitatem, atque ita etiam demum honor ad diuinos honores tendat. Hoc est, quod pauci viderunt Ethnicorum; nec multi exercent Christianorum. Etsi enim titulus, potestas, vel honor ritè possit appeti, etiam ad Remp. rectè gubernandam, ipsa tamen quoque Reip. gubernatio tandem tendere debet, non tantum ad Politicam pacem, sed etiam ad æternam hominum salutem consequendam. Huc nisi tendat honor, vanus est, & contemnendus.

## §. II.

*Cur bona fama non sit negligenda?*

Cur igitur illi vituperantur, qui honorem suum non curant? Cur dicitur: *Curam Eccl. 46. habe de bone nomine: hoc enim magis permane-* 15. *bit*